

Powšitkowne WOZJEWJENJA

njedźelu, 26. nowembra 2017

TCM „Łužica pomha“ – Pomocna akcija za Pólsku

Dom za samostejace žony z dźěćimi w Ełku w sewjerneje Pólskej chce Towarstwo Cyrila a Metoda z.t. lětsa ze swojej akciju „Łužica pomha“ podpěrać. Nadrobniše informacije k tomu su w Katolskim Posole wozjewjene.

Młodostni na Chrysta Krala do Chróścic

Nyšpor wosebje za wšitkich młodostnych budže na swjedženju Chrysta Krala, njedźelu, 26. nowembra, w 14.00 hodź, w Chróścianskej cyrkwi. Po tym su młodostni na faru k zhromadnej swačinje přeprašeni.

Jězba za serbskich młodostnych do Dachauwa

Towarstwo Cyrila a Metoda z.t. a Worklečanske dekanatne dušepastyrstwo młodžiny přeprašujetej składnostnje 75. posmjertnin zbožneho kapłana Alojsa Andrickeho młodostnych wot 9. lětnika klětu wot soboty do njedzele, 3. do 4. februara, na jězbu do Dachauwa a Mnichowa. Předwidžany plan je w Katolskim Posole wozjewjeny. Tuta jězba by móhła tež hodowny dar młodostnemu być.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje sobotu, 9. decembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do pjatka, 1. decembra, w redakciji Katolskeho Posola přizjewja, telefonowe číslo (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež zajimcy su wutrobnje witani.

Kulturna zyma w putniskej hospodže

W Chróścianskej putniskej hospodže zahaji so na předwječoru 1. adwenta lětuša Kulturna zyma. Sobotu, 2. decembra, wotewri tam farar na wuměnkku Gerhard Kanig z Drježdžan wustajeńcu ze swojimi wobrazami a skulpturami. Tydžeń pozdžišo sobotu, 9. decembra, přednošuje diakon dr. Jens Buliš z Chróścic dwurěčnje k temje „Serbja a reformacija“. Wobě zarjadowani započnjetej so w 19.45 hodź.

Adwentny koncert w klóštrje – do toho wiki

K zakónčenju adwentnych wikow w klóštrje Marijinej hwězdze w Pančicach-Kukowje zaklinči w tamnišej cyrkwi sobotu, 9. decembra, w 17.30 hodź. adwentny koncert. Pod hesłom „Přihotujće Knjezej ščežki“ zahrajetaj Maria Šoćina z Pančic-Kukowa na pišćalce a Budyski cyrkwiniski hudźbnik Feliks Brojer na pišćelach twórby Georga Philippa Telemanna, Johanna Sebastiana Bacha, Antonija Vivaldija a druhich kaž tež znate adwentne kěrlušy a swójske kompozicije wobeju hudźbnikow. Zastup je darmotny. Na kóncu budže kolekta při durjach.

Adwentne wiki w klóštrje wotměja so pjatk a sobotu, 8. a 9. decembra, stajnje wot 10.30. do 18 hodź. Na nich změja mjez druhim někotrežkuli chłóšćenki a wudžělki z rukow rjadnicow a džěłarnje za zbrašenych ludźi.

Dny za singlow

Singlow přeprošuje Smochčanski Dom biskopa Bena wot pjatka do njedzele, 15. do 17. decembra, na adwentne dny. W srjedžišću steji dzeń w klóštrje Marijinej hwězdze. Tam chcedža na bytostne procesy žiwjenja zhladować, za kotrež trjebaš sčerpliwosć. Zajimcy měli so pak telefonisce pod čisłom (03 59 35) 2 23 17 abo z mailku na adresu referent@Benno-Haus.de přizjewić

Adwentne dny seniorow

Smochčanski Dom biskopa Bena přeprošuje seniorow a dalších zajimcow na adwentne dny pod hesłom „Durje wutroby“ wot póndzele do štwórtka, 4. do 7. decembra. Zajimcy měli so hač do póndzele, 27. nowembra, přizjewić, pak telefonisce pod čisłom (03 59 35) 2 23 16 abo z mailku na adresu info@Benno-Haus.de.

Pytaja kucharja

Dom swjateho Jana w Smječkecach pyta wukubłaneho kucharja na tydžensce 28 hodžin. Džěłowe městno ma so 1. januara 2018 wobsadzić a je najprjedy na jedne lěto wobmjezowane. Swoje pisomne požadanje měli zajimcy póstać na scěhowacu adresu: Dom swjateho Jana, Janska kupjel 1, 01920 Smječkecy.